

ԳԻՏԱԿԱՆ ԻՆՖՈՐՄԱՅԻԱ НАУЧНАЯ ИНФОРМАЦИЯ

ՋՐՎԵԺԻ ՎԱՂՄԻՋՆԱԴԱՐՅԱՆ ԴԱՄԱՐԱՆԱԴԱՇՏԻ ՊԵՂՈՒՄՆԵՐԸ

1979 թ. դարձան շինարարական աշխատանքների ժամանակ Ջրվեժում (Երևանի քաղաքային տարածք) բացվեց վաղ միջնադարյան գերեզմանոց: Մինչև մեր պեղումները դամբարանադաշտը լրջորեն վնասված էր շինարարների կողմից: Տեղում կատարվեց հետազոտություն և պեղվեց 13 դամբարան: Դամբարանները փորված էին կրաքարի ամուր շերտում, իսկ թաղումները կատարված էին քարե սարկոֆագների և սալարկղների մեջ (նկ. 1, 2):

Հանգուցյալները թաղված էին արևելահիմ, որը վկայում է թաղման քրիստոնեական ընդունման մասին: Կավե և քարե դագաղներում հանգուցյալին թաղելու սովորությունը Հայաստանում հայտնի է դեռևս ուրարտական և անտիկ ժամանակաշրջանից: Այդ մասին արժեքավոր վկայություններ կան վաղ միջնադարի մասնագետների մոտ: Քրիստոնեական վարդապետության ընդունման ժամանակ զուգահեռ նահատակների հիշատակելիս Հովհան Մամիկոնյանը գրում է. «Իսկ զԱթանաղիս էին զգլուխն և զաջ ձեռն մինչև զգոտին զամենայն հատեալ ընդ մէջ և զնորայն եղաք ի կաւէ տապանս»:

Մեկ այլ առիթով պատմիչը հիշատակում է քարե դագաղների օգտագործումը. «Եւ անդ ձեռն ի գործ արկեալ շինուածոյ եկեղեցոյն և նոյն արհեստագործի գիշերի կազմեցաք զտեղի նշխարացն և եղաք ի քարեայ տապան առնալափ զերկուց վկայիցն մերձ առ դուռն եկեղեցոյն յաջակողմնս»:

Սալարկղային թաղումները տարածված էին վաղմիջնադարյան և հիլենիստական հուշարձաններում և միանգամայն ընդունելի կարելի է համարել այն տեսակետը, թե նմանօրինակ մրջակված սալերն ու քարե դագաղները հնում պատրաստվել են հատուկ վարպետների կողմից և վաճառվել:

Ջրվեժի պեղված դամբարաններում հանգուցյալների կմախքները քայքայված էին, նյութական մշակույթի մնացորդները՝ սակավ: Բացված դամբարաններից միայն երկուսն էին հագեցված հնագիտական նյութերով, որ հիմնականում կազմում էին հանգուցյալի արդուզարդը:

Ուսումնասիրվող առաջին դամբարանը տուֆից դադաղ է (1,0×0,76×0,28 մ): Բացվել է 90 սմ խորության վրա և պեղվածներից միակ չորրորդն է: Այս դամբարաններից հայտնարկված նյութը սերոլիկից տակառածն ուլունքներն էին և իրարից անջատ ծայրերով զանգվածեղ ապարանջանը (նկ. 3, 7):

Դամբարանը թվագրող կարևոր կույտն է ապարանջանը, որի զուգահեռները լայնորեն հանդիպում են V—VI դդ. հուշարձաններում (Էշերի, Սամթավրո, Նախշիգոր, Զվելի, Անուշա, Մրցխելի, Գուրջաանի, Կիզիկի և այլն):

Հարուստ նյութեր էր պարունակում դամբարանադաշտի մանկական թաղումներից մեկը

1 С. А. Есаян, А. А. Калантарян. Позднеуарартское погребение Ошаканского могильника. — Историко-филологический журнал, 1976, № 3, с. 269.

2 Ж. Д. Хачатрян. Гарин V. Античный некрополь (результаты раскопок 1956—1972 гг.). Ереван, 1976, с. 19.

3 Պատմության Տարեանց գորթարձանեց Զեներ Ասորի. Վենետիկ, 1889, էջ 3:

4 Նույն տեղում, էջ 39:

5 Б. Н. Аракелян. Значение раскопок в Гарин для изучения культуры древней Армении. — ВДИ, 1953, № 3, с. 158.

6 М. М. Гумба. Новые памятники Цецбельдинской культуры. Тбилиси, 1978, табл. X; IX—3, табл. LI 7—8; Н. И. Апахазова. Материальная культура ранне-средневековой Грузии. Тбилиси, 1979, табл. II, рис. 22, табл. XX, рис. 5, табл. XXXVI, рис. 33, табл. XI, рис. 26, табл. XVII, рис. 46, табл. XXI, рис. 25, табл. XXXVII, рис. 50.

(0.92×0.38 մ), որը գրված էր մեկ մետր խորության վրա: Դադաղոր դարձյալ տուֆից էր, ոտքի կոզմում որոշակիորեն վնասված և զտնրվում էր վերոհիշյալ դադաղից 1 մ 40 սմ հեռավորության վրա: Դամբարանում հայտնաբերվեցին շորու ուլունք (երկուսն ապակուց, երկուսը

գիշեր քարից) և երեք կնիքներ՝ երկուսն ապակուց, մեկը՝ սևրդուլիկից: Գիշեր քարից մշակված ուլունքները քառակուսի են, տափակ. յուրաքանչյուրն ունի երկուական անցք: Միջնադարում «գիշերը» մեծ համարում և կենցաղային լայն գործածություն ունեւր: Այն ընդունված



Նկ. 1

էր իրրե շար աչքը խափանող և բուժիչ քար:

Առաքել Դավրիժեցին հետեւյալ կերպ է բնութագրում այդ քարը. «Սեպած է սև քար և թեթև և խիստ խոր ու սև է և իւր խասիաթն այն է՝ որ թէ ի փոքր տղեկան աշաց դէմն կախէն ի օբանն, նա զփոքր տղեկան աշքն սեպցնէ, փորձված է և հայիլն ի յայտ քարս զաշաց լոյսն աւելցնէ»⁷: Արաքներն այդ քարին գրեթե նույն հատկություններն էին վերագրում, միայն ավելացնում էին հոգեկան հիվանդությունները (էպիլեպսիան), ատամի և գլխի ցավերը բուժելու հնարավորությունները⁸, Հակառակ եկեղե-

ցու արգելող կանոններին, միջնադարում ուլունքներին վերագրում էին բուժիչ հատկություններ, միաժամանակ ընդունելով իրրե պահպանակ⁹:

Դամբարաններում հայտնաբերված գեղաձև ուլունքները (տրամ. 1 սմ) մուգ կապույտ երանգ ունեն: Մեկի վրայով անցնում է ալիքաձև սպիտակ շերտ (Նկ. 35): Վերջինս թերևս այն ուլունքներից է, որն օգտագործվել է որպէս

⁹ Հայոց կանոնագրքում այդ մասին կարդում ենք հետեւյալը. «Որք ուլունս արկանէն վասն կրից կամ վասն այլ ինչ հմայութեանց բարբառնաւաց կամ գրարաթեամբ որ վարին որոշեացին չեկեղեցւոյ, զի թողին գԱստուած և զնացին առ ճանճիկ Աստուածն Ակկարոնիս: ՏԵՍ Կանոնագիրք հայոց. հ. Բ, Երևան, 1971, էջ 62:

⁷ Պատմութիւն Առաքել Վարդապետի Դարիժեցւոյ. Վաղարշապատ, 1896, էջ 594:

⁸ S. В. С у п р ы ч е в. Черный янтарь древних.—Наука и религия, 1980, № 2, с. 25.

պահպանակ ծաղիկ հիվանդության ժամանակ¹⁰։

Դամբարանում գտնված կնիքները կիրառական արվեստի լավագույն նմուշներ են և հարե՛ման ժողովուրդների հետ Հայաստանի մշակութային առնչությունները ներկայացնող կարևոր

նյութեր։ Ապակե կնիքներից մեկի վրա փորագրված է խրոխտ դեմքով։ շատ հստակ գծագրությամբ աչք վեջված ծնկադիր մի ևղջերու (նկ. 3)։ Կնիքն օվալաձև է, 1 սմ տրամագծով։ Եղջերվի պատկերը լայն տարածում ունեն վաղ միջնադարյան արվեստում (Աղց. Քասադ և



Նկ. 2

այլն) և հանդիսանում է ժամանակի մտածելակերպի գեղարվեստական մարմնավորումը։ Եղջերուն իր բուն նշանակությունից բացի հանդես էր գալիս նաև իբրեւ երկնային համաստեղության կարևոր տարրերից մեկը։ Անանիա Շիրակացին գրում է. «Յոլց մարդկան արունստք են հինգ աստղն լուծ՝ հող. եղջերու՝ որ է այծ»¹¹։


¹⁰ Տե՛ս Ա. Ռ. Իսրայելյան. Բուժիչ ու՛լունք պահպանակներ.— ՀՍՍՀ ԳԱ Վերաբեր հաս. գիտ., 1979, № 3, էջ 88, նկ. 4։

¹¹ Անանիա Շիրակացի. Տիեզերագիտու՛թիւն և տօմար. Երևան, 1940, էջ 21։

Այս տեսանկյունով բնորոշվում էր մարդկային բնավորությունը ռոր ի նմայն ծնանի, գոռոզ և դաւաճան լինի»¹²։ Մեկ այլ դեպքում եղջերուն մարմնավորում էր քրիստոնեական դադափարախոսությունը։ Համաձայն Սաղմոսի ԽԱ հատվածի, եղջերուն հնագույն ժամանակներից խորհրդանշել է հավատացյալ մարդուն, «Որպես փափաքէի յեղջերու յաղբերս ջրաց, այնպէս փափաքեի անձն իմ առ բեզ Աստուած...»։

Ուսումնասիրությամբ պարզվել է, որ կնիքների վրա պարթևական ժամանակներից բն-

¹² Նույն տեղում։



նկ. 3

դրանված այս պատկերը հղկվել, մշակվել և նոր դրսեորումով ընդունվել է սասանյան ժամանակաշրջանում¹³։ Ա. Բիվարը նման կնիքները թը-

¹³ Այսպիսի կնիք հայտնաբերվել է նաև Վաղարշապատի պեղումների ժամանակ։ Ա. Քալանթարը գրում է. «Հենց այս տիպի դամբարաններում գտնված իրական տվյալները պարթևական, սասանյան են»։ տե՛ս Ա. Քալանթար. Հին Վաղարշապատի պեղումները. Երևան, 1935, էջ 58—59։

վադրում է III—IV դդ¹⁴, իսկ Նիսսայում հայտնաբերված օրինակները մասնագետների կողմից ընդունված են իբրև պարթևական շերտանի կիրառական արվեստի գործեր¹⁵։ Հնդհա-

¹⁴ Catalogue of the Western Asiatic seals in the British Museum. Stamp seals. The Sassanian dynasty. By A. D. H. Bivar. London, 1969, p. 91, 119, 532 F. B.

¹⁵ М. Е. Массон, Г. А. Тугаченкова. Оттиски Парфянских печатей из Ниссы.—ВДИ, 1954, № 4, рис. 1—17.

նուր բովանդակությամբ հանդերձ, պատկերազարկան և ռճարանական տարբերությունը զգալի է: Ուստի պետք է մտածել, որ թեմատիկան դալիս է հնուց, բայց նոր դրսևորումներով շարունակվում սասանյան շրջանում:

Դամբարանում հայտնաբերված կնիքներից հաջորդը նույնպես ապակուց է, օվալաձև (նկ. 33), տրամագիծը՝ 1 սմ. պատկերված է նուրբ գծագրությամբ արված զրադաշտական մի զոհասեղան: Կնիքների վրա կրակի պաշտամունքի հետ կապված պատկերներն ունեն զանազան դրսևորումներ՝ անոթներից դուրս ցայտող բոցի¹⁶, աստիճանավոր պատվանդանի վրա հենվող¹⁷ կամ գծերից կազմված ատրուշանի տեսքով¹⁸:

Հայաստանի պատմության պետական թանգարանում պահվող № 125 ժողովածուի որոշ կնիքների վրա հանդիպում են այս երեք տիպի զոհարան սեղանները: Հետաքրքիրն այն է, որ 125/12, 125/21, 125/38 թվահամարների տակ եղած կնիքների վրա պատկերված զոհասեղանները համընկնում են մեր կնիքի պատկերին, թեպետ պատահական գլուխներ են հանդիսանում:

Դամբարանում գտնված հաջորդ կնիքը մշակված է սերդուլի բարից և իր ձևով ներկայացնում է հայտնի կարոշոնը: Կնիքի կլոր մակերեսին (նկ. 34) փորագրված է մի հետաքրքիր թռչուն: Ուռուցիկ մարմնով, լայն պարզած թևերով, բաց կտուցով գծագրված թռչունը առանձնահատուկ նրբագծերով է արված: Նմանօրինակ կնիքներ հանդիպում են Վրաստանում և Միջին Ասիայում¹⁹:

Երեք կնիքներն էլ թվագրվում են V—VII դդ., վերջին կնիքը՝ VI—VII դդ. (ուշ սասանյան)²⁰. Այս թվագրումը միանգամայն ընդունելի է և համապատասխանում է քնակավայրի գոյության և շերտագրական տեսակետից ճիշտ թվագրվող այլ հուշարձանների տվյալներին:

Ջրվեժն իբրև դաստակերտ հիշատակվում է V դարից: Ղազար Փարպեցին գրում է. «Եվ հասնալք մոտ ի քաղաքն Գուին՝ յօրինէր Հազարաւուխտ զճակատն այդ օրինի գործոյ պատերազմին և կարգեալ զուզմն ի միջոցէ մայրւոյն, որում խոսրովակերտն ասեն անցուցանէր ի վերայ դաստակերտին, մինչև ի լեռնակողմն զոր

Ջրվեժն կոչէն»²¹: Առանձնահատուկ ծաղկում ապրեց քնակավայրը VI դարում, երբ անցավ Ավանի տարածքի մեջ և կառավարվեց Հովհան կաթողիկոսի կողմից²²: Կնիքների թվագրումը հաստատվում է նաև զուգահեռ նյութերով: Եղնիկի պատկերով նմանօրինակ կնիքը Մինգեչաուրում հայտնաբերվել է V—VII դդ. ստույգ թվագրվող դամբարանում²³:

Եվ վերջապես, սասանյան կնիքների մեծամասնությունն ունեցել է կլոր կամ ձվաձև տեսք²⁴: Անկասկած հիշատակվող դամբարանադաշտը պատկանել է Ջրվեժ քնակավայրին, և այդ իրողությունը հաստատում են մեկը մյուսին լրբացնող նյութական մշակույթի մնացորդներն ու մատենագրական տվյալները:

Իսկ ինչո՞վ բացատրել կնիքների առկայությունը մանկական այս թաղման մեջ: Հանրահայտ է, որ Հայաստանում և այլուր կնիքներն ունեցել են լադմազան կիրառություն: Դրանք առաջին հերթին հանդիսանում էին իշխանության և իրավունքի խորհրդանիշ: Կնիքով որոշվել է տիրոջ գրաված սոցիալական դիրքը հասարակության մեջ և զբաղմունքը²⁵: Անտիկ շրջանում, ապա միջնադարում կնիքները կատարել են նաև պահպանկների դեր: Տվյալ դեպքում մանկական այս թաղումը, ուր հանդիպող բոլոր ուղունքները կապվում են հմայիլի հասկացության հետ, թույլ են տալիս ենթադրելու, որ երեխան վախճանվել է ինչ-որ հիվանդությունից, և նրա կրած դարձերը պահպանակների դեր են կատարել: Մյուս կողմից, քանի որ կնիքը տիրոջ ինքնությունը խորհրդանշող առարկա էր, ուստի պետք է մտածել, որ երեխան տվյալ հասարակության մեջ սոցիալական որոշակի դիրք և իշխանություն ներկայացնող մեկի գավակն է եղել²⁶:

Հայաստանի միջնադարյան դամբարանները պեղվել են մասնակիորեն, իսկ ուսումնասիրու-

21 Ղազարայ Փարպեցույ Պատմութիւն Հայոց և թուղթ առ Վահան Մամիկոնեան. Թիֆլիս, 1907, էջ 317:

22 Н. М. Токаревский. Джрвеж I. Результаты раскопок 1957. Ереван, 1959, табл. 16.

23 Տե՛ս Г. М. Асланов. К изучению раннесредневековых памятников Мингечаура.—КСИИМК, 1955, № 60, с. 70, рис. 29.

24 А. А. Калантарян. Раннесредневековые буллы Двина. Ереван, 1982, с. 52.

25 Կնիքների և կնքադրոշմների վերաբերյալ դոյություն ունի ընդարձակ գրականություն: Տե՛ս նույն տեղում:

26 Անձնական են համարվել բոլոր այն կնիքները, որոնք կրել են բուսական կամ կենդանական պատկերներ: Տե՛ս նույն տեղում, էջ 54:

16 Նույն տեղում, նկ. 18—21:


17 В. Г. Луконин. Иран в III веке. М., 1979, табл. 1, 2, 3, 4.

18 R. Göbl. Der Sasanidischen Siegelkanon. Braunschweig, 1973, Taf. 33.

19 Նյութերը հրատարակված չեն:

20 Երախտագիտությամբ պետք է նշենք, որ մասնագիտական խորհուրդներով մեզ օգնել է Վ. Գ. Լուկոնինը:

թույնը տակավին նախնական վիճակում է: Բացված դամբարանները հիմնականում վերաբերում են V—VII դդ.: Դրանցում նյութի սակավությունըն ստեղծել է աֆ տեսակետը, թե միջնադարյան թաղումներում արգելվել է իրեր զետեղելը: Զրվեծի պեղումներն ապացուցում են, որ հանգուցյալի նետ որոշ դեպքերում դրվել է նրա արդուզարդը:



Նկ. 4

Պատահական չէ, որ Մխիթար Գոշի դատաստանագրքում և հայոց կանոնագրքում հանդիպում են հատուկ օրենքի ուժ ունեցող սահմանումներ, որոնք պատժի չափեր էին սահմանում գանձագողների նկատմամբ: «Ձդիակողպուտս եթէ ըմբռնեսցի և ապա կամօք խոստովանեալ՝ ոչ մեռցի, իսկ եթէ ոք ոչ սպանցէ, քննեսցէ զնա սուրբ եկեղեցի՝ մինչև ի մահ որոշեսցի, քանդի տեղիք ապաշխարութեան չիք նմա: Յայտ է յառացելոցս, թէ անզղչիցն մահ՝ որոշեաց այլ այնպիսեացն արեան լիցի գին ըստ ցուցելոյ օրինակին, դարձեալ և՛ ապաշխարութիւն պատշաճի: Եւ թոյլ լիցի դատաստան ալոցիկ իրաւացիս: 27, Գոշի դատաստանագրքում հիշատակվող պատիժը հանդիպում է նաև հայկական կանոնագրքում: Իսկ Գրիգոր Լուսավորչի կանոններում հիշատակվում է հետևյալը. «Որ զգերեզման րանայ առ անձուկ՝ Գ ամ արտաքոյ և Ա ի ներքըս: 29, Այս կանոնները և սահմանված պատիժները, անկասկած, բխում են գանձագողության բաղում դեպքերը կանխելու նպատակից:

Զրվեծի դամբարանադաշտից մոտ 100 մ հեռավորության վրա գոյություն ունեն գերեզմանային երկու կոթողներ: Առաջինը հուշասյան բեկոր է (8 նիստերով), որի պեղման հնարավորությունը, տեղանքի խիստ կառուցապատված լինելու պատճառով, բացառվում է (Նկ. 4): Տուֆ

27 Մ խ ի թ ա ր Գ Գ շ. Գիրք դատաստանի. Երեզման, 1975, էջ 354:

28 Տե՛ս Կանոնագիրք Հայոց, կազմեց Վ. Հա-նոբյան. Ա գիրք, Երևան, 1964, էջ 108:

29 Նույն տեղում, էջ 247:

15 «Հանդես», № 1

բարից մշակված ալսպիսի սյուներ հայտնաբերվել են Ավանում³⁰, Օշականում³¹, Քոսաղբյուրում³². Անգեղակոթում³³ և այլուր:

Ավանի և Օշականի հուշասյուների կանգուն դիրքը հնարավորություն է ընձեռում վերականգնելու Զրվեծի հուշասյունը, որը պետք է ունենար նույնպիսի աստիճանավոր պատվանդան, մանավանդ, որ Քոսաղբյուրի մոտ հայտնաբերվել են ալսպիսի հուշասյան խարիսխը և պատվանդանի աստիճանների բեկորները: Քոսաղբյուրում են գտնվել նաև քարե խաչերի բազմաթիվ բեկորներ: Այս ամենը հանգեցնում է այն հետևության, որ աստիճանավոր պատվանդանի վրա ութանիստ սյունն ունեցել է, թերևս, պարզ մշակումով մի խոյակ և ավարտվել է քարե մի խաչով: Մյուսը քառակող, վաղ միջնադարյան Հայաստանում շատ տարածված սև տուֆից հուշակոթող է, որի քանդակների բովանդակությունը և մշակման եղանակը իր զուգահեռն ունի Դվինում³⁴ (Նկ. 3): Սովորաբար, քառակող կոթողները բովանդակում են հարուստ մշակված թեմաներ՝ բուսական, երկրաչափական, կենդանական, աստվածաշնչային և այլն: Այդ սյուներից կոթողի բովանդակ երեսներն են պատում: Տվյալ քառակոթողում միայն մի երեսն է քանդակազարդված, իսկ մյուս երեք կողմերն ունեն հարթ մշակում: Երկրաչափական բնույթի քանդակն իրենից ներկայացնում է ուղղագիծ և կլոր շրջանակներ, որոնք ստեղծել են մկրատ հիշեցնող մի պատկեր, ընդգրկելով կոթողի մեկ երեսը: Վերահիշյալ կոթողները մասնագետների կողմից թվագրվում են VI—VII դդ.: Ուրեմն Զրվեծի գերեզմանները և որոշ հեռավորություն վրա հայտնաբերված հուշակոթողները համաժամանակյա են:

Զրվեծում բացված գերեզմանային հուշարձանները որոշակի գաղափար են տալիս վաղ միջնադարյան Հայաստանի կենցաղի կարևոր րնագավառներից մեկի՝ թաղման ձևերի, արարողությունների, ծեսերի, սովորությունների, ինչպես նաև գերեզմանային ճարտարապետության բնույթի մասին:

Ա. Ս. ԺԱՄԱՌԱՅԱՆ

30 Ս. Մ ն ա ց ա կ ա ն յ ա ն. Հայկական վաղ միջնադարյան մեմորիալ հուշարձանները. Երեզման, 1982, էջ 29, աղ. 5:

31 Նույն տեղում, աղ. 20, Նկ. ա:

32 Н. М. Токарев и Я. Джрвеж Выхажберд. II, Результаты раскопок 1958—62 гг. Ереван, 1964, с. 39.

33 Հայաստանի միջնադարյան կոթողային հուշարձանները. IX—XIII դդ. խաչքարերը. Երևան, 1984, Նկ. 14, 15:

34 Կ. Ղ ա Ֆ ա դ ա ր յ ա ն. Դվին քաղաքը և նրա պեղումները. Երևան, 1952, Նկ. 126: